



جدوال قمبراچاين خطبه جمعة

Siri 1/ 2023 (Bulan Januari Tahun 2023)

تاريخ	تاجوق	ب
6.1.2023M/ 13 Jamadilakhir 1444H	خطبة تاهون بارو: مسلم حقيقي، فكرجا برکواليتي	1.
13.1. 2023M/ 20 Jamadilakhir 1444H	وقف: قلواغ فهاالا يغ دلوفا	2.
20.1. 2023M/ 27 Jamadilakhir 1444H	جاغن خيائي چينتا	3.
27.1.2023M/ 5 Rejab 1444H	هيلغن سني ليدہ	4.
خطبه کدوا		

دبياءاي:



زکاة فولاو فينغ

دتربيتکن:



جابتن حال إحوال اکام اسلام فولاو فينغ

Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Waqaf: Peluang Pahala Yang Dilupa

Khutbah Khas Waqaf Pulau Pinang

(13 Januari 2023M / 20 Jamadilakhir 1444H)

الْحَمْدُ لِلَّهِ رَبِّ الْكَرِيمِ، الْعَلِيمِ الْحَكِيمِ؛ فَتَحَ لِعِبَادِهِ أَبْوَابَ الْقُرْبَاتِ.
وَدَلَّاهُمْ عَلَى سُبُلِ الطَّاعَاتِ، وَأَخْبَرَهُمْ بِمَا يَكُونُ لَهُمْ ذُخْرًا بَعْدَ الْمَمَاتِ،
وَأَمَرَهُمْ بِفِعْلِ الْخَيْرَاتِ.
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ؛ وَأَشْهَدُ أَنَّ مُحَمَّدًا عَبْدُهُ وَرَسُولُهُ؛
صَلَّى اللَّهُ وَسَلَّمَ وَبَارَكَ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَأَتْبَاعِهِ إِلَى يَوْمِ
الدِّينِ . أَمَّا بَعْدُ، فَاتَّقُوا اللَّهَ تَعَالَى وَأَطِيعُوهُ، وَأَنْفِقُوا يُنْفِقَ عَلَيْكُمْ

SIDANG JUMAAT YANG DIMULIAKAN ALLAH

Pada kesempatan Jumaat yang barakah ini, mimbar tidak akan pernah jemu dalam mengajak diri khatib sendiri dan sidang Jumaat sekalian agar bersama-sama kita meningkatkan ketaqwaan kepada Allah سُبْحَانَهُ وَتَعَالَى dengan erti takwa yang sebenar-benarnya. Marilah kita melaksanakan segala titah perintah-Nya dan meninggalkan segala larangan-Nya. Semoga dengan asbab ketaqwaan ini, akan dikurniakan oleh Allah سُبْحَانَهُ وَتَعَالَى syurga Allah yang hakiki di akhirat yang abadi.

Sebelum khatib melanjutkan bicara, ayuh kita dengarkan dulu adab-adab mendengar khutbah berikut. Pertama, janganlah kita berbual-bual kosong. Kedua, janganlah kita bermain telefon bimbit. Manakala yang ketiga, janganlah kita



tidur dengan sengaja ketika khatib sedang berkhotbah. Semoga ganjaran pahala yang besar lagi sempurna akan mengiringi setiap amalan yang kita lakukan semata-mata kerana Allah **سُبْحَانَهُ وَتَعَالَى**. Pada hari Jumaat yang barakah lagi mubarakah ini, ayuhlah kita memberikan sepenuh tumpuan kita kepada khutbah yang bertajuk: **“WAQAF: PELUANG PAHALA YANG DILUPA.”**

HADIRIN YANG DIRAHMATI ALLAH **سُبْحَانَهُ وَتَعَالَى SEKALIAN,**

Salah satu ibadah penting yang semakin kurang diberi perhatian oleh masyarakat pada hari ini ialah ibadah Waqaf. Apakah kerana hasil tuaianya yang akan dinikmati hanya selepas bercerainya roh dari jasad?

Wakaf adalah amalan sedekah yang digalakkan oleh Islam terhadap umatnya yang berkemampuan sepertimana yang terakam dalam firman Allah pada Surah Ali-‘Imran ayat 92:

لَنْ تَنَالُوا الْبِرَّ حَتَّى تُنْفِقُوا مِمَّا تُحِبُّونَ وَمَا تُنْفِقُوا مِنْ شَيْءٍ فَإِنَّ اللَّهَ بِهِ عَلِيمٌ ﴿٩٢﴾

Maksudnya: *“Kamu tidak sekali-kali akan dapat mencapai (hakikat) kebajikan dan kebaktian (yang sempurna) sebelum kamu dermakan sebahagian dari apa yang kamu sayangi. Dan sesuatu apa jua yang kamu dermakan maka sesungguhnya Allah mengetahuinya.”*

SIDANG TETAMU JUMAAT YANG DIBERKATI ALLAH **سُبْحَانَهُ وَتَعَالَى,**

Jika kita menelusuri sirah junjungan besar Nabi Muhammad **رَضِوانُ اللَّهِ عَلَيْهِم أَجْمَعِينَ** bersama para sahabat **صَلَّى اللَّهُ عَلَيْهِ وَسَلَّمَ** antara tarbiyah awal yang diterapkan Baginda adalah ibadah wakaf.

Tatkala hijrah Baginda ke Kota Madinah, peristiwa pembelian perigi *Rumah* (رُومَةُ) yang masih segar berada dalam ingatan warga Madinah. Perigi ini diwakafkan oleh Saidina Uthman Bin Affan رَضِيَ اللَّهُ عَنْهُ dan ia telah terakam melalui sebuah hadis Nabi صَلَّى اللَّهُ عَلَيْهِ وَسَلَّمَ yang bermaksud:

"Wahai Sahabatku, siapa saja di antara kalian yang menyumbangkan hartanya untuk membebaskan perigi itu, lalu menyumbangkannya untuk umat, maka akan mendapat syurga Allah سُبْحَانَهُ وَتَعَالَى." (Hadis Riwayat Muslim)

Hal demikian jelas menunjukkan sifat sahabat yang berlumba-lumba dalam melakukan kebaikan untuk merebut ganjaran syurga yang tidak mampu dibayangkan oleh akal manusia.

MUSLIMIN YANG DIMULIAKAN ALLAH سُبْحَانَهُ وَتَعَالَى,

Ramai sahabat رَضُوا عَنْهُم أجمعين turut berwakaf. Antaranya Saidina Umar رَضِيَ اللَّهُ عَنْهُ yang turut berwakaf di *Khaibar* seperti yang disebut dalam sebuah hadis Riwayat Ibn Umar yang bermaksud:

"Umar telah mendapat sebidang tanah di Khaibar kemudian dia datang kepada Nabi صَلَّى اللَّهُ عَلَيْهِ وَسَلَّمَ untuk meminta pendapat berkenaan cara menguruskannya, katanya: Wahai Rasulullah! Saya telah mendapat sebidang tanah di Khaibar. Saya belum pernah memperolehi harta yang lebih baik daripada ini.

Baginda bersabda: Jika kamu suka, tahanlah tanah itu (wakafkanlah tanah itu) dan kamu sedekahkan manfaatnya.



Lalu Umar mengeluarkan sedekah dari hasil tanah itu dengan syarat tanahnya tidak boleh dijual dan dibeli serta diwarisi atau dihadiahkan. Umar mengeluarkan sedekah hasilnya kepada fakir miskin, kaum kerabat dan untuk memerdekakan hamba juga untuk orang yang berjihad di jalan Allah serta bekalan orang yang sedang dalam perjalanan dan menjadi hidangan untuk tetamu. Orang yang mengurusnya boleh makan sebahagian hasilnya dengan cara yang baik dan boleh memberi makan kepada temannya dengan sekadarnya.”

(Hadis Riwayat Muslim)

SIDANG JUMAAT PENGHUNI SYURGA ALLAH SEKALIAN,

Tanggal 8 Januari 2018, Wakaf Pulau Pinang yang merupakan agensi agama milik penuh Majlis Agama Islam Negeri Pulau Pinang (MAINPP) telah memulakan operasinya dalam menyebarkan keperluan ibadah wakaf dalam masyarakat Islam khususnya di Pulau Pinang. Antara peranan dan tanggungjawab utama Wakaf Pulau Pinang adalah:

Pertama: Menjalankan tanggungjawab membangun dan menguruskan harta wakaf sama ada harta alih atau harta tak alih dan harta yang diserahkan oleh MAINPP termasuk menjalankan pelaburan, penyelidikan dan penguatkuasaan ke atas tanah tersebut.

Kedua: Menjalankan kerja-kerja promosi bagi mengumpul dan menambah dana wakaf tunai MAINPP dan lain-lain bentuk wakaf.

Ketiga: Melaksanakan polisi MAINPP berkaitan pengurusan wakaf dan hartanah serta mencadangkan polisi dan inovasi baru berkaitan pembangunan wakaf dan hartanah.

Sebagai makluman jemaah sidang Jumaat yang dimuliakan Allah **سُبْحَانَهُ وَتَعَالَى**, Wakaf Pulau Pinang menyediakan kupon dana wakaf tunai



kepada jemaah yang ingin berwakaf tunai hanya dengan serendah 5 ringgit sahaja. Manfaat 5 ringgit yang jemaah wakafkan itu juga, akan disalurkan kepada lebih 15 saluran dana wakaf tunai produktif Wakaf Pulau Pinang.

Antara saluran tersebut ialah Wakaf Perumahan, Wakaf Al-Quran, Wakaf Kesihatan, Wakaf Pendidikan, Wakaf Pengajian Tinggi Kolej Islam Teknologi Antarabangsa Pulau Pinang (KITAB), Wakaf Strategik, Wakaf Buku Agama, Wakaf Pertanian Kontan, Wakaf As-Siyannah, Infaq Al-Khadamat, Wakaf Pengajian Tinggi Universiti Sains Malaysia (USM) dan Wakaf Am.

SIDANG JEMAAH YANG DIMULIAKAN سُبْحَانَهُ وَتَعَالَى

Melalui kutipan dana wakaf tunai yang tuan-tuan wakafkan, Wakaf Pulau Pinang telah melakukan agihan manfaat secara berkala kepada penerima manfaat wakaf seperti masjid, surau, pusat pendidikan, agensi-agensi yang menggerakkan dakwah Islam, pembangunan tanah wakaf dan sebagainya.

Sebagai contohnya, pada 14 Oktober 2022 Wakaf Pulau Pinang telah menyampaikan agihan manfaat wakaf kepada penerima manfaat wakaf yang melibatkan pembangunan masjid, surau, pengembangan dakwah, pendidikan dan juga kepada pihak yang menjalankan aktiviti tanggungjawab korporat (CSR) untuk pembangunan ummah. Hampir RM200,000.00 nilai wakaf tunai telah diagihkan dalam majlis tersebut. Manakala, lebih nilai wakaf tunai terutamanya wakaf tunai am digunakan dalam usaha membangunkan dan melestarikan tanah-tanah wakaf melalui projek-projek perumahan dan komersil untuk manfaat umat Islam di negeri ini khususnya.

Bayangkan, wakaf tunai serendah 5 ringgit yang kita salurkan akan terus dimanfaatkan oleh pihak yang memerlukan ini dan selama mana ia dimanfaatkan, Allah سُبْحَانَهُ وَتَعَالَى akan mengarahkan para



malaikat-Nya untuk berterusan mengkreditkan pahala ke akaun amalan kita. Ayuhlah bersama-sama kita bergelar jutawan akhirat yang menjadi idaman setiap umat Islam.

Janganlah kita bimbang harta yang kita wakafkan akan berkurangan kerana Allah سُبْحَانَهُ وَتَعَالَى akan menggantikan setiap harta yang diinfakkan di jalan-Nya seperti yang telah terakam dalam Surah Saba' ayat 39:

... وَمَا أَنْفَقْتُمْ مِّنْ شَيْءٍ فَهُوَ يُخْلِفُهُ وَهُوَ خَيْرُ الرَّازِقِينَ ﴿٣٩﴾

Maksudnya: “dan apa sahaja yang kamu dermakan maka Allah akan menggantikannya; dan Dia lah jua sebaik-baik Pemberi Rezeki.”

SIDANG JUMAAT TETAMU ALLAH سُبْحَانَهُ وَتَعَالَى YANG DIMULIAKAN,

Sebagai kesimpulan, intipati utama yang dapat khatib simpulkan ialah:

Pertama : Tujuan secara tersirat bagi ibadah wakaf adalah untuk mendekatkan diri pewakaf dengan Allah سُبْحَانَهُ وَتَعَالَى.

Kedua : Wakaf Pulau Pinang merupakan sebuah agensi yang akan terus komited dalam menyuburkan budaya berwakaf dalam kalangan masyarakat Islam.

Ketiga : Jadilah orang yang bahagia yang tatkala terhenti nafasnya, tetapi terus mengalir pahalanya tanpa putus-putus.

Ayuh bersama-sama kita bergelar jutawan akhirat yang menjadi idaman setiap umat Islam. Firman Allah سُبْحَانَهُ وَتَعَالَى dalam Surah Al-Baqarah, ayat 265:

وَمَثَلُ الَّذِينَ يُنْفِقُونَ أَمْوَالَهُمْ ابْتِغَاءَ مَرْضَاتِ اللَّهِ وَتَثْبِيتًا مِّنْ أَنفُسِهِمْ كَمَثَلِ جَنَّةٍ بِرَبْوَةٍ أَصَابَهَا وَابِلٌ فَثَمَرَاتُهَا يُنْفِقُونَ أَلَّا يَجِدُوا لَهَا وَابِلًا فَلَمْ يُضِبْهَا وَابِلٌ فَلَمْ يَضْغَفِ فِيهَا فَمِثْلُ شَيْءٍ يُرْسَلُ ﴿٢٦٥﴾



Maksudnya: "Dan perumpamaan orang yang membelanjakan hartanya kerana mencari keredhaan Allah dan kerana meneguhkan (iman dan perasaan ikhlas) yang timbul dari jiwa mereka, adalah seperti sebuah kebun yang terletak di tempat yang tinggi, yang ditimpa hujan lebat, lalu mengeluarkan hasilnya dua kali ganda. Kalau ia tidak ditimpa hujan lebat maka hujan renyai-renyai pun (cukup untuk menyiraminya). Dan (ingatlah) Allah sentiasa Melihat akan apa yang lakukan."

بَارَكَ اللَّهُ لِي وَلَكُمْ فِي الْكِتَابِ وَالسُّنَّةِ، وَنَفَعَنِي وَإِيَّاكُمْ بِالْآيَاتِ وَالْحِكْمَةِ، أَقُولُ
قَوْلِي هَذَا، إِنْ كَانَ صَوَابًا فَمِنَ اللَّهِ الْمَنَّانِ، وَإِنْ كَانَ خَطَأً فَمِنْ نَفْسِي وَالشَّيْطَانِ،
وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ إِنَّهُ هُوَ الْغَفُورُ الرَّحِيمُ.



خطبة كدوا بولن جانواري

2023M/ 1444H

الْحَمْدُ لِلَّهِ عَلَى آلائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعَظِيمًا لِسَانِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا
حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا

﴿الأحزاب: 56﴾

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.

اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،



Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Semoga sumbangan 10% daripada hasil kutipan Tabung Jumaat mingguan dari setiap masjid kepada Tabung Wakaf yang telah ditubuhkan, menjadi saham yang berkekalan manfaatnya, di dunia dan akhirat.

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta,



memberi atau menerima rasuah dan segala perbuatan durjana yang merosakkan kepentingan agama, masyarakat dan negara. Jauhkan kami dari tergolong dalam kalangan orang-orang yang mengabaikan tanggungjawab yang telah diamanahkan.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوا عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾